



# Siunnerfigisamik nalunaarut

**Naalakkersuisut  
(Ineqarnermut Attaveqaasersuutinullu Naalakkersuisoqarfik  
(IAN))**

**aamma**

**Silap pissusaanut, Nukissiornermut Pilersuinernullu  
Danmarkimi ministereqarfiup  
(KEFM)**

**akornanni**

**immap assiliornissaanut tunngatillugu suleqatigiinneq**



## Aallaqqaasiut

Imaatigut aqut nunatsinni assartuinikkut aqutissatuaakkajuttarpoq, taamaattumik immap assinga umiartornermi isumannaallisaanermut, namminersortuunerup malinneqartinneranut kiisalu nunatsinni attaveqaasersuutit allilernissaannut inuussutissarsiutinillu ineriartortitsinermut pingaaruteqarluinnarpoq. Taamaattumik immap assingi nutartersimanissaat tatiginartuunissaallu kalaallinut inuiaqatigiinnut pingaaruteqarluinnarput.

Kalaallit oqartussaasuisa Kalaallit Nunaata imartaata assiliornissaa suliassaraat, matumani silap pissusaanut, nukissiornermut pilersuiner Mullu Danmarkimi ministerip nunatta eqqaani imartat assiliornerat isumagisaralugu. Suliassaq Geodatastyrelsemut (GST) suliakkiutigineqarsimavoq, taanna imaanut tunngasunut oqartussaasut umiartornermik inuussutissarsiutinut sunngiffimmilu angallatit angalasarnerinut kiisalu NATO-p danskil kalaallillu imartaanni suliassaanut atugassanik imaani uuttortaanermut immallu assiliornissaanut akisussaasuvoq. Naalakkersuisut Ineqarnermut Attaveqaqatigiinnermullu Naalakkersuisoqarfiata imarsiornermut suliassaqarfimmi oqartussatigut ineriartortitsinikkullu suliassat isumagisarai nunatsinnilu qitiusumik umiarsualiveqarnermut oqartussatut suliassaq isumagisaralugu.

Siunnerfigisamik nalunaarutip uuma ullormi atsiorneqarfiani suliassaqarfimmi siunnerfigisamik nalunaarut 29. august 2017-imeersoq taarsissavaa. Nunap sanna pillugu paasisutissanut tunngasuni suleqatigiinnissamut maannakkut isumaqatigiissut 30. oktober 2009-meersoq ataannassaaq.

## Isumaqatigiissut

Illuatungeriit makku isumaqatigiissutigaa:

1. Nunatsinni Danmarkimilu immap asseqarnikkut naligiimmik atugassaqaarnissap qulakkeernissaa ataatsimoorluta anguniagaraarput. Kalaallit imartaannut assiliornissaq Silap pissusaanut, Nukissiornermut Pilersuiner Mullu Danmarkimi ministerimit suliassatut pingaartinneqartupilussuvoq. Suleqatigiinnermut kalaallit danskillu oqartussaasuisa akornanni kinguneqartussamik ammasumillu oqaloqatigiinnissaq pisariaqarluinnarpoq.
2. Sumiiffimmut aalajangersimasunut paasisutissat pillugit inatsit (Inatsit nr. 380, 26/04/2017-imeersoq) naapertorlugu silap pissusaanut, nukissiornermut pilersuiner Mullu Danmarkimi ministeri Danmarkip nunattalu eqqani imartat assiliornissaannut pingaarnertut akisussaasuvoq. Suliassaq GST-mut suliakkiutigineqarsimavoq. GST oqartussaqaqarfiuvoq suliamik suliarinnittoq,



assiliornivimmik, pilersitsinermik, ingerlatsinermik aamma paasissutissanik, nalunaarsuinernik assiliornermillu pisarialinnik ineriartortitseqqittarnermik isumaginnittoq.

3. Ukiunut sisamanut tunngavissatut pilersaarusionermut atatillugu tunngavissatut pilersaarut aamma siunissami suleqatigiinnissaq oqaloqatigiissutiginiarlugu naalakkersuinermik sulisut, Ineqarnermut Attaveqaasersuutinullu Naalakkersuisup aamma silap pissusaanut, nukissionermut pilersuinermullu Danmarkimi ministerip akornanni ataatsimiittoqarnissaa anguniarneqarpoq. Ataatsimiinneq siulleg 2026-mi ingerlanneqassaaq.
4. Ukiunut sisamanut tunngavissatut pilersaarut GST Kalaallit Nunaanni sunik sumilu suliaqarnissaanut tunngaviliissaaq. Tunngavissatut pilersaarut siulleg 2025-mi 2027-2030-mut suliarineqassaaq. GST-ip tunngavissatut pilersaarummut missingiut nunat marluk akornanni attaveqaatitut ataatsimiititaliap kvartalit aappaanni ataatsimiinnerani saqqummiutissavaa, kingorna missingiut IAN peqatigalugu iluarsineqassalluni. Tunngavissatut pilersaarut inaarutaasoq atorfilittanit kingusinnerpaamik 2025-mi kvartalit sisamaanni akuerineqarsimassaaq. Tunngavissatut pilersaarutip aappaa 2031-2034-mut il.il. 2029-mi suliarineqassaaq. Tunngavissatut pilersaarutip ilanngussaq 1 29. august 2017-imeersoq taarsissavaa.
5. Tunngavissatut pilersaarutit ukunannga isumaginninnikkut, nutartersimatitsinikkut, suliarinnittarnikkut nutaamillu sananerisigut GST-ip ukiuni sisamani suliaassai erseqqissassavai:
  - Immap assingi elektroniskiusut (ENC),
  - Umiarsualiviit assingi,
  - Imarsiorneq pillugu saqqummersitat,
  - Pappiaqqatigut immap assingi,
  - Tunisassiat allat
6. IAN aamma GST ataatsimut nunat marluk akornanni attaveqaatitut ataatsimiititaliap ukiumoortumik kvartalip aappaanni ataatsimiinnerani tunngavissatut isumaqatigiissut atuuttoq naapertorlugu tunisassionermut ukiunut aggersunut pilersaarutissaq salliutillugulu isumaqatigiissutigissavaat. Naalakkersuinermik suliallit attaveqaatitut ataatsimiititaliap ataatsimeereerneratigut suliat killiffiannik iluarsiissuteqartoqassappallu iluarsiinernik ilisimatinneqassapput.
7. Naalakkersuisut GST-ip tunisassiorneranik tapersersussavaa, assersuutigalugu tunngaviusumik paasissutissanik, nunat aqqinik aamma ikkarluit ilisimaneqartut nutartersimasut, illoqarfiit, umiarsualiviit assigisaallu pillugit paasissutissanik tunniussillutik.



8. Tunngavissatut pilersaarummi umiartormik pisariaqartitsineq ersersinniarlugu naleqqussarniarlugulu oqartussat attuumassutillit immallu assinganik atuisartut (assersuutigalugu FMI aamma Imarsiornermut Ataatsimiititaliaq) tunngavissatut pilersaarusionermi ilaatinneqarnissaat pisariaqarluinnarpoq.
9. GST saniatigut aningaasaliisoqarneratigut, tassunga ilanngullugu GST-mut toqqaannartumik akiliinikkut tunisassiornermut pilersaarutip avataani suliniutinik allanik akuersisinnaanera tunisassianillu tunniussisinnaanera periarfissaavoq.
10. Teknologikkut ineriartorneq malinnaavigissallugu immallu assiliornerup angusaqarluarfiunissaa qulakkeerniarlugu ajornanngippat ineriartormut naleqqussarnissaq pingaaruteqarput.

Nuuk, ulloq [ulloq]

Nuuk, ulloq [ulloq]

Hans Peter Poulsen  
Ineqarnermut Attaveqaasersuutinullu

Naalakkersuisoq

Lars Aagaard  
Silap pissusaanut,  
Nukissiornermut,  
aamma  
Pilersuiner  
Danmarkimi ministeri